

Stabat Mater

Ascribed to
Jacopone da Todi +1306

Mainz, 1661
(A.B.)

1. Sta - bat Ma - ter do - lo - ró - sa Ju - xta Cru - cem
2. Cu - jus á - ni - mam ge - mén - tem, Con - tri - stá - tam

After last verse
1. la - cri - mó - sa, Dum pen - dé - bat Fí - li - us.
2. et do - len - tem, Per - trans - í - vit gla - di - us. A - men.

- | | |
|--|--|
| 3. O quam tristis et afflicta
Fuit illa benedícta
Mater Unigéniti! | 12. Tui Nati vulneráti,
Tam dignáti pro me pati,
Poenas mecum dívide. |
| 4. Quae moerébat, et dolébat,
Pia Mater, dum vidébat
Nati poenas ínclýti. | 13. Fac me tecum pie flere,
Crucifixo condolére,
Donec ego víxero: |
| 5. Quis est homo qui non fleret,
Matrem Christi si vidéret
In tanto supplicio? | 14. Juxta Crucem tecum stare,
Et me tibi sociáre
In planctu desídero. |
| 6. Quis non posset contristári,
Christi Matrem contemplári
Doléntem cum Fílio? | 15. Virgo vírginum praeclára,
Mihi jam non sis amára,
Fac me tecum plángere: |
| 7. Pro peccátis suae gentis
Vidit Jesum in torméntis,
Et flagéllis súbditum: | 16. Fac ut portem Christi mortem,
Passiónis fac consórtem,
Et plagas recólere. |
| 8. Vidit suum dulcem Natum
Moriéndo desolátum,
Dum emísit spíritum. | 17. Fac me plagis vulnerári,
Fac me Cruce inebriári,
Et cruóre Fílii. |
| 9. Eja Mater, fons amóris,
Me sentíre vim dolóris
Fac, ut tecum lúgeam: | 18. Flammis ne urar succénsus,
Per te, Virgo, sim defénsus
In die judícii. |
| 10. Fac, ut árdeat cor meum
In amándo Christum Deum
Ut sibi compláceam. | 19. Christe, cum sit hinc exíre,
Da per Matrem me veníre
Ad palmam victóriæ. |
| 11. Sancta Mater, istud agas,
Crucifíxi fige plagas
Cordi meo válide: | 20. Quando corpus moriétur
Fac ut ánimæ donétur
Paradísi glória. Amen. |